

Comerciantenan ta trankil pa loke ta e cambionan den Caya Grandi

ORANJESTAD - Regularmente e comision di Ministerio di Infraestructura, Infra-Team y tambe Prome Minister Mike Eman, ta reuni cu e comerciantenan di Caya Grandi, agrupa bou di e asociacion MAMBO, pa duna nan un actualisacion y splicacion di con tur cos ta bayendo. Naturalmente tambe ta contesta nan pregunta y inkietudnan riba e deadline y producto final. Di otro banda, comerciantenan ta mustrand nan confiansa den e renobacion y ta haciendo nan mesun preparacionnan pa drecha nan mesun edificionan pa fin di aña na caminda.

“Tin diferente grupo ta papiando. Nos ta involvi nan mas tanto posibel pa nan ta na haltura di con e situacion ta. Pa asina cu ora algo bay mas slow cu nan ta kere cu e mester bay, nan sa pakico. Cu tin algo importante ta pasando y e motibo. Esey nos lo sigui haci te na ultimo.” Asina Director di Departamento di Obran Publico, Ing. Jossy Figaroa a splica na prensa durante un encuentro dialuna mainta. Durante e reunionnan aki Prome Minister Mike Eman tambe a stimula e comerciante y empresarionan pa duna di nan parti di e esfuerso nacional aki cu ta e embeyecemento di caya principal. A splica cu esaki ta e oportunidad perfecto pa inverti den nan propiedad, drecha nan edificio y negoshi, pa un bes tur cos keda cla, Caya Grandi ta mostra su miho cara tanto den e infraestructura como tambe den e ambiente total cu ta ofrece na e clientenan.

Tur esnan cu pasa den Caya Grandi por ripara cu varios e negoshi “a cuminsa drecha e fachada di nan tienda,” Ing. Figaroa a indica. Penha y Calypso Building ta djis algun di e negoshinan cu ta visiblemente bou di renobacion completo. Hopi di e negoshinan den centro di Oranjestad tin masha aña mes, tin di nan decadanan, sin inverti den mantencion of renobacion di nan edificionan. Esaki tabata tin di haci cu e decadencia cu

e centro a pasa den dje e ultimo decada. Comercio den centro di Oranjestad tabata pa hopi aña den un decadencia serio y structural. Banda di cu hopi local tabata evita e centro, turistanan ya no tabata yega mas den e bisindario. E decadencia sistematico aki, combina cu un influx serio y persistente di adictonan ambulante cu a es-

tablece nan mes den centro di ciudad na ex-Hotel Central a contribui grandemente na e situacion precario di e centro en general.

Di otro banda, cu e trabounan cu awor ta andando, e complecion di e proyecto di renobacion di centro di Oranjestad ta mas y mas cerca y visibel, comercio ta dunando e señal tambe

cu ta comparti e vision y e confiansa den un centro di ciudad renoba y revitalisa. E fase di “streetscaping” di Caya G.F. Betico Croes a cuminsa caba. Esaki ta e parti di e proyecto caminda lo bay traha riba e “Landscaping” di henter e area di centro di ciudad. Den e fase aki a cuminsa caba planta varios palma y matanan.

Nos ta spera cu pa december e lo mostra hopi miho di loke e ta aworaki.” Pa ultimo luna di aña streetcar lo ta funcionando, caya grandi lo tin su acera y tegels, como tambe matanan y luz. Ya caba gobierno a duna ordo pa tur departamento y compania involvi cuminsa traha den shifts pa segura cu esaki ta un realidad. □